



Broj: 01/01- 1047/9-2026
Sarajevo, 02.07.2026. godine

Na osnovu člana 69. stav (1) tačka a), člana 70. stav (1), (3) i (6) Zakona o javnim nabavkama („Sl. glasnik BiH“, broj: 39/14, 59/22 i 50/24), na preporuku Komisije za provođenje postupka nabavke broj: 01/01-1047/8-2026 od 30.06.2026. godine za nabavku: *Nabavka i ugradnja stolarije* Dekan Univerziteta u Sarajevu-Prirodno-matematičkog fakulteta donio je

O D L U K U

o izboru najpovoljnijeg ponuđača

Član 1.

Prihvata se Preporuka Komisije za provođenje postupka javne nabavke broj: 01/01-1047/8-2026 od 30.06.2026. godine i ugovor za nabavku: *Nabavka i ugradnja stolarije* dodjeljuje se ponuđaču **Edelstahl - Prokrom d.o.o.** čija ukupna cijena ponude iznosi **212.780,00 KM bez PDV-a** kao najbolje ocijenjenom ponuđaču nakon provedene E-aukcije.

Član 2.

Izabrani ponuđač dužan je u roku od 5 (pet) dana od dana zaprimanja ove Odluke, na adresu Univerzitet u Sarajevu - Prirodno-matematičkog fakulteta, Zmaja od Bosne 33-35, 71000 Sarajevo dostaviti originale ili ovjerene kopije dokaza traženih tačkom 7. Tenderske dokumentacije, ne starije od 3 (tri) mjeseca od dana predaje ponude, računajući od dana dostavljanja ponude.

Član 3.

Ova odluka objavit će se na web-stranici www.pmf.unsa.ba u skladu sa članom 70. stav (6) Zakona o javnim nabavkama BiH.

Član 4.

Ova Odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke: *Nabavka i ugradnja stolarije*, broj: 01/01-1047/1-2026 od 26.05.2026. godine. Obavještenje o nabavci broj: 29340-1-3-26-3-35/26 dana 26.05.2026. godine objavljeno je na Portalu javnih nabavki.

Iz Izvještaja o preuzimanju tenderske dokumentacije od strane ponuđača, vidljivo je da su u periodu koji je ostavljen za dostavljanje ponuda do 16.06.2026. godine, tendersku dokumentaciju preuzeli slijedeći potencijalni ponuđači: EKAPIJA DOO, STOLARIJA KENDIĆ D.O.O., EKO TEH D.O.O., SAPLAST, "DKM GRADNJA" D.O.O. MAGLAJ, MEGA-ROLL DOO, GRAVIT, MAKSIMOVIĆ KOMERC DOO DOBOJ, BBS EUROPE, ŽALUZINE STYLE D.O.O., TENDERI DOO, A DŽE CLASSIC" EXPORT-IMPORT DOO PROIZVODNO-USLUŽNO I PROMETNO DRUŠTVOTEŠANJ, "NIWEX" D.O.O.

DERVENTA, VJECNO SJECANJE, MAGIČNI KAMEN , "GRADPROM" D.O.O. SRBAC, GS IZGRADNJA, MK ALU PLAST, GD KONSTRUKCIJE D.O.O., NIKODIL D.O.O., BAUMASTER , HDI D.O.O. SARAJEVO, YAVUZ COMPANY D.O.O. , EDELSTHAL-PROKROM, RMK ENGINEERING D.O.O SARAJEVO i LA VIE.

Iz Zapisnika o otvaranju ponuda vidljivo je da je Komisija za javne nabavke, dana 16.06.2026. godine, po redoslijedu zaprimanja izvršila javno otvaranje blagovremeno prispjelih ponuda:

R. br.	Naziv/ime ponuđača	Blagovremene ponude	Broj prijemnog protokola	Datum i vrijeme pristigle ponude
1.	Mega-Roll d.o.o.	Da	01/01-1047-1/4-2026	15.06.2026.g. u 09:30 sati
2.	Edelstahl Prokrom d.o.o.	Da	01/01-1047-2/4-2026	15.06.2026.g. u 10:20 sati
3.	Niwex d.o.o.	Da	01/01-1047-3/4-2026	16.06.2026.g. u 08:15 sati
4.	Saplast d.o.o.	Da	01/01-1047-4/4-2026	16.06.2026.g. u 09:25 sati

Na javnom otvaranju ponuda bio je prisutan predstavnik ponuđača Saplast d.o.o. Sarajevo.

Zapisnik o otvaranju ponuda prosljeđen je putem email-a svim ponuđačima koji su blagovremeno dostavili ponudu.

Komisija za provođenje postupka javne nabavke je na zatvorenom sastanku pristupila pregledu i ocjeni ponuda, kako bi utvrdila da li su ponuđači ispunili uslove za kvalifikaciju, a koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije.

Komisija za provođenje postupka nabavke je sačinila Zapisnik o otvaranju ponuda i sačinila sažetak primljenih ponuda kako slijedi:

Redni br.	Naziv ponuđača	Ponuđeni popust	Ukupna cijena ponude
1.	Mega-Roll d.o.o.	0,00 KM	Cijena ponude bez PDV-a =210.100,00 KM 0% popust <i>Ukupna cijena ponude sa uračunatim popustom bez PDV-a =210.100,00 KM</i> PDV na cijenu ponude= 35.717,00 KM Ukupna cijena za ugovor = 245.817,00 KM sa PDV-om
2.	Edelstahl - Prokrom d.o.o.	0,00 KM	Cijena ponude bez PDV-a =212.993,86 KM 0% popust <i>Ukupna cijena ponude sa uračunatim popustom bez PDV-a =212.993,86 KM</i> PDV na cijenu ponude=36.208,96 KM

			Ukupna cijena za ugovor =249.202,82 KM sa PDV-om
3.	Niwex d.o.o.	0,00 KM	Cijena ponude bez PDV-a =212.970,00 KM 0% popust Ukupna cijena ponude sa uračunatim popustom bez PDV-a =212.970,00 KM PDV na cijenu ponude= 36.204,9 KM Ukupna cijena za ugovor = 249.174,9 KM sa PDV-om
4.	Saplast d.o.o.	0,00 KM	Cijena ponude bez PDV-a =235.999,00 KM Popust=23.000,00 Ukupna cijena ponude sa uračunatim popustom bez PDV-a =212.999,00 KM PDV na cijenu ponude 36.209,83KM Ukupna cijena za ugovor = 249.208,83 KM sa PDV-om

Uvidom u dostavljenu ponudu, Komisija za provođenje postupka javne nabavke utvrdila je da dostavljena tehnička specifikacija koju nudi ponuđač **Mega - Roll d.o.o.** nema tehničke karakteristike utvrđene Tenderskom dokumentacijom, te da je u skladu sa naprijed navedenim **ponuda neprihvatljiva**.

Firma Mega - Roll d.o.o. je dostavila ponudu koja ne zadovoljava tehničke karakteristike iz sljedećih razloga:

U tehničkoj specifikaciji je navedeno da stolarija mora biti izrađena od profila **minimalne ugradbene dubine/debljine 76 mm**. Firma Mega - Roll d.o.o. je dostavila uzorak profila dubine 70 mm (što je ustanovljeno neposrednim mjerenjem), a u tehničkom listu je također navedeno da je **profil dubine 70 mm**. Pored toga, u tehničkom listu je navedeno da je profil dostupan u bijeloj boji. Tenderskom dokumentacijom je traženo da boja vanjske strane profila mora biti RAL 3005 (tamno crvena boja) što se treba dokazati ili tehničkim listom ili neposrednom aplikacijom boje na uzorak profila. Pošto je dostavljen uzorak na kojem nije aplicirana ova boja (uzorak je bijele boje i sa vanjske i sa unutrašnje strane), a u tehničkom listu stoji da je profil dostupan u bijeloj boji, ponuđeni profil ne ispunjava tehničke karakteristike ni po ovom zahtjevu.

Iz gore navedenog jasno je da ponuđeni profil firme Mega - Roll d.o.o. ne zadovoljava minimalne tehničke zahtjeve jer je dubina profila manja od tražene minimalne dubine (ponuđena dubina je 70 mm, a minimalna tražena 76 mm), a vanjska boja nije tražena: RAL 3005, već bijela i na uzorku i u tehničkom listu.

Uvidom u dostavljenu ponudu, Komisija za provođenje postupka javne nabavke utvrdila je da ponuđač **Saplast d.o.o.** nije dostavio Garanciju za ozbiljnost ponude, a što je traženo u tenderskoj dokumentaciji (Aneks 8).

U tenderskoj dokumentaciji pod tačkom 20. traženo je sljedeće :

20. Garancija za ozbiljnost ponude

Garancija za ozbiljnost ponude u ovom postupku javne nabavke se zahtijeva.

Da bi učestvovali u postupku javne nabavke ponuđači trebaju dostaviti originalnu bezuslovnu bankarsku garanciju za ozbiljnost ponude, (u daljem tekstu: garancija za ponudu). Iznos tražene garancije za ponudu je 1,5% od procjenjene vrijednosti postupka, bez uključenog PDV-a, i ista mora da važi u čitavom periodu opcije (važenja) ponude.

Garancija za ozbiljnost ponude dostavlja se u formi koja je sastavni dio TD (Aneks 8) i dostavlja se zajedno sa ponudom. Ukoliko uslov za dostavljanje garancije ne bude ispunjen, ponuda će biti odbijena.

Ako ponudu dostavlja grupa ponuđača, garancija se dostavlja u traženom iznosu, bez obzira da li je dostavlja jedan član, više članova ili svi članovi grupe ponuđača.

Garancija se ne smije bušiti radi ulaganja uz ponudu već treba biti dostavljena na slijedeći način:

- originalna bankarska garancija se pakuje u zatvorenu plastičnu foliju koja se na vrhu zatvori naljepnicom na koju se stavlja pečat ponuđača ili se otvor na foliji zatvori jemstvenikom, a na mjesto vezivanja zalijepi naljepnica i otisne pečat ponuđača;

U periodu važenja ponude ugovorni organ može zahtijevati produženje garancije za ponudu, te će se u tom slučaju pismeno obratiti ponuđačima za produženje. U slučaju da ponuđači ne dostave pismenu saglasnost za produženje garancije za ponudu, kao i produženu garanciju za ponudu na rok koji je utvrdio ugovorni organ, smatraće se da je ponuđač odustao od postupka javne nabavke.

Postupanje sa garancijom za ponudu vršit će se u skladu sa odredbama Pravilnika o formi garancije za ozbiljnost ponude i izvršenje ugovora.

Iz gore navedenog je jasno da je **ponuda ponuđača Saplast d.o.o neprihvatljiva**, obzirom da ponuđač nije dostavio traženu Garanciju za ozbiljnost ponude.

Shodno navedenom obrazloženju ponude ponuđača: **Mega -Roll d.o.o. i Saplast d.o.o. su neprihvatljive.**

Nakon pregleda i ocjene ponuda, Komisija za provođenje postupka nabavke utvrdila je da ponude ponuđača: EDELSTAHL-PROKROM D.O.O. i "NIWEX" D.O.O. ispunjavaju sve minimalne uslove za kvalifikaciju tražene tenderskom dokumentacijom, te da su iste **prihvatljive**.

Iz Zapisnika o pregledu i ocjeni ponuda vidljivo je da je za predmetnu nabavku, kao što je i navedeno u Tenderskoj dokumentaciji i Obavještenju o nabavci broj:29340-1-3-26-3-35/26 od 26.05.2026. godine za predmetnu nabavku predviđeno je provođenje E-aukcije kroz sistem E-nabavke. Ugovorni organ je u skladu sa podzakonskim aktima, zakazao održavanje E-aukcije za kvalificirane ponuđače za dan 24.06.2026. godine sa početkom u 10:00 sati.

Komisija za provođenje postupka javne nabavke je u Zapisniku o pregledu i ocjeni ponuda sačinila početnu rang listu ponuđača koji su pozvani da učestvuju u E-aukciji:

R.br.	Naziv ponuđača	IDB/JIB	Početna cijena u KM bez PDV-a	Rang
1	"NIWEX" D.O.O. DERVENTA	4400141010002	212970,00	1
2	EDELSTHAL-PROKROM	4200193280009	212993,86	2

Iz Izvještaja o toku i završetku E-aukcije vidljivo je da je E-aukcija kvalifikovanih ponuđača započela dana j započela dana 24.06.2026. godine sa početkom u 10:00 sati i završena dana 24.06.2026. godine u 10:10 sati.

Iz Izvještaja o toku i završetku E-aukcije vidljiva je konačna rang lista ponuđača koji su učestvovali u E-aukciji:

R.br.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1	EDELSTHAL-PROKROM	4200193280009	212780,00	0,1% **	1
2	"NIWEX" D.O.O. DERVENTA	4400141010002	212970,00	0%	2

** Označava približnu vrijednost procentualnog umanjenja nakon zaokruživanja na dvije decimale

Nakon E-aukcije Komisija za provođenje postupka javne nabavke je na osnovu Izvještaja o toku i završetku E-aukcije u Zapisniku o pregledu i ocjeni ponuda konstatovala da je najpovoljnija ponuda ponuđača **EDELSTAHL-PROKROM D.O.O.** čija konačna cijena ponude nakon E-aukcije iznosi **212.780,00 KM bez PDV-a.**

Shodno navedenom, Komisija je prema utvrđenom kriteriju najniže cijene tehnički zadovoljavajuće ponude dala preporuku Dekanu Univerziteta u Sarajevu - Prirodno-matematičkog fakulteta da se u predmetu nabavke: **Nabavka i ugradnja stolarije donese Odluku o dodjeli ugovora ponuđaču EDELSTAHL-PROKROM D.O.O.** čija cijena ponude iznosi **212.780,00 KM bez PDV-a.**

Uzimajući u obzir naprijed navedeno, primjenom člana 64. stava (1) tačka b) Zakona o javnim nabavkama, prihvaćena je preporuka Komisije za javnu nabavku i odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Prilog:

- Zapisnik o pregledu i ocjeni ponuda

Dostaviti:

- Ponuđačima
- Dosije nabavki
- a/a

Akt pripremila: Adna Šišić, stručni saradnik za projekte i javne nabavke

